



17. august 2009

Inatsisartut suleriaasianni § 36, imm. 1 naapertorlugu, Naalakkersuisunut apequt imaattoq matumuuna saqqummiuppara:

Naalakkersuisunut apequtit:

Naalakkersuisut ataani pineqartut apequtit siusinnerusukkut apequtigisimasakka pillugit akissuteqarnissamik pilersaaruteqarnerlutik, taamaalilluni apeqummi pineqartut erseqqissaatigineqarniassammata?

(Inatsisartuni ilaasortaq Aleqa Hammond, Siumut)

Tunngavilersuut:

Ataani pineqartut Naalakkersuisunut apequtit juni 19-ani kiisalu julip 31-iani 2009 nassiuppakka.

19. juni 2009 Nassiussaqaq:

- *“Siumut ukiuni 30-ni Naalakkersuinikkut siuttuunermini atorneerluinerit, kammalaatersornerit, inuiaqatigiit aningaasaataanik atorneerluinerit ingerlassimagaanik oqalunneq uppersarsinnaavisiuk?”*
- *Bora Boramut naalakkersuisut angalasimananut week-endersimananullu tunngasumi kina naalakkersuisuusimasoq pineqarpa aammalu aningaasat nunatta karsianit qanoq annertutigisut week-endernermit atorneqarpat?*
- *Oqaaseqaat Siumup Kalaallit Nunaat ajorluinnartumut inissitsissimagaa akissummik nassuiaavigineqarusuppunga, inussiarnersumik nassuiarsiuk suna tassani oqaaseqaammi pineqarnersoq?”*

31. juli nassiussaqaq:

“Akileraartussaannermit inatsimmi qatserisartut, politiit nakorsaqaarfimmilu sulisut sulitillutik pingaartuunerminni biilimik angerlamut nassataqarsimananit ukiumoortumik akileraartussaataanninneranut tunngasoq immikkut aqqiivineqarsimava?”

Inatsisartuni periuseq atuuttoq § 36 imm. 1 naapertorlugu apequtit apequtigineqarnerminniit ullut qulit ingerlaneranni akineqareersimassapput. Apequtigiga siulleq eqqaaginarlugu



SIUMUT INATSISARTUNI ILAASORTAATITAT / LANDSTINGSGRUPPEN

apequtigineqarnerminiit ullut 59-it ingerlareerput sulilu akissutimik tigusaqarnanga. Apequtip aappaanut tunngatillugu ullut 18-it ingerlareerput.

pingaaruteqarluinnarpoq siuliani ammasumik ingerlatsinermik tunngaveqarluni suleriuseqarsimaneq ingerlateqqissallugu, tassungalu tunngatillugu periuseq suleriaaserlu Inatsisartuni atuuttoq ileqqorissaarnissaq aallaavigalugu eqqortissallugu. Kalaallit Nunaanni Inatsisartut suleriaasianni § 36 imm. 5 malillugu ima allassimasoqarpoq:

”allaganngorlugu akissuteqartoqartillugu akissuteqaatigineqartup apeqquteqartumut apuuneqarnissaa Inatsisartut Siulittaasuata isumagissavaa”

Taamaattumik sakkortuumik piumasaraara piaarnerpaamik apequtigisimasakka akineqarnissaat.